

法本意大抵犯罪者各一用此律則上無用刑取服之勞下無受刑發明之路如世昌則固不足論也他日援以為例則必有用法之弊國家當有畫一之法而此法則或用或否臣等忝在法司見前後用法之不一心甚未安敢啓請命朝廷共議永作畫一之法又啓曰御史所提濟州權收使旌義縣監賈詢大靜縣監雲巴官私行對接及牛隻分定事當罷職故付標以啓答曰韓世昌事乃啓至當近來雖如叛逆之類若死於杖下例無照律之事世昌之律當初予意亦未穩而但未發言耳其招政府郎官收議而啓永為定法可也御史所提濟州三邑之事法司付標以啓可也但如陸地守令所犯關重則雖即罷黜既有燕官見其官事又有交代官即赴任故官無虛疎之弊此則海外之事三邑一時邇來新除守令勢難即赴官事虛疎今以御史所提辭緣推考後定罪可也其姑勿罷○夜南方坤方有氣如火○丁亥以權檢為刑曹總判李清為弘文館應教洪春卿為副應教○日暈○戊子三公六卿義禁府堂上同議啓曰國家用法